

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ

Кабинет секретара Представничког дома



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM

Kabinet sekretara Predstavničkog doma
Ured tajnika Zastupničkog doma

Broj: 01-02-1-814/17
Sarajevo, 27.3. 2017.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 27-03-2017			
Organizaciona jedinica	Klasifikaciona oznaka	Redni broj	Broj priloga

ZASTUPNIKU
U ZASTUPNIČKOM DOMU
PARLAMENTARNE SKUPŠTINE
BOSNE I HERCEGOVINE

Predmet: Prijedlog zakona o izmjeni i dopunama zakona o zaštiti i dobrobiti životinja, predlagatelj: zastupnik Predrag Kožul, dostavlja se

Sukladno Odluci Kolegija Zastupničkog doma Parlamentarne skupštine Bosne i Hercegovine s 32.sjednice, održane 14. lipnja 2016., u privitku Vam dostavljam Prijedlog zakona o izmjeni i dopunama Zakona o zaštiti i dobrobiti životinja, čiji je predlagatelj zastupnik Predrag Kožul, koji je Odjel za lektoriranje Tajništva Parlamentarne skupštine Bosne i Hercegovine lektorirao na bosanski, hrvatski i srpski jezik.

S poštovanjem,



Dostaviti:

- naslovu
- a/a

Prijedlog

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na ____ . sjednici Predstavničkog doma, održanoj ____ . ____ . 2017. godine, i na ____ . sjednici Doma naroda, održanoj ____ . ____ . 2017. godine, usvojila je

ZAKON O IZMJENI I DOPUNAMA ZAKONA O ZAŠTITI I DOBROBITI ŽIVOTINJA

Član 1.

U članu 7. Zakona o zaštiti i dobrobiti životinja („Službeni glasnik BiH“, broj 25/09) dodaje se novi stav (2) koji glasi:

„(2) Zabranjen je uzgoj kućnih ljubimaca (pasa i mačaka) u svrhu proizvodnje krzna.“

Član 2.

U članu 9. dodaje se novi stav (6) koji glasi:

„(6) Zabranjeno je stavljanje na tržište, uvoz ili izvoz krzna pasa i mačaka ili proizvoda koji sadrže ovakvo krzno.“

Postojeći stav (6) postaje stav (7).

Član 3.

U članu 43. stav (5) broj: „2018.“ zamjenjuje se brojem „2028.“

Član 4.

Ovaj zakon stupa na snagu osmog dana od dana objavljivanja u „Službenom glasniku BiH“.

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

I. USTAVNI OSNOV

Ustavni osnov za donošenje Zakona o izmjenama i dopunama Zakona o zaštiti i dobrobiti životinja sadržan je u odredbama člana IV. 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za „donošenje zakona koji su potrebni za provođenje odluka Predsjedništva ili za izvršenje funkcija Skupštine Bosne i Hercegovine po ovom ustavu“, te u Aneksu I. tačka 7. Međunarodnog pakta o ekonomskim pravima.

II. RAZLOZI ZA DONOŠENJE ZAKONA

Zakonom o zaštiti i dobrobiti životinja („Službeni glasnik BiH“, broj 25/09) u članu 4. definirana je zabrana uzgoja životinja u svrhu proizvodnje krzna, te je članom 43. odgođena primjena ove zabrane do 2018. godine. S obzirom na to da u BiH trenutno ima više farmi koje se bave uzgojem životinja u svrhu proizvodnje krzna jasno je da će zabrana, koja stupa na snagu uskoro, ovu djelatnost onemogućiti. Inače, zbog ovih zakonskih odredbi dio farmi u BiH je već ugašen. Važno je napomenuti da se trenutno sva proizvodnja krzna u BiH plasira u izvoz.

U Evropi, uključujući i EU, postoji različita zakonska praksa u ovoj oblasti. Uzgoj životinja u svrhu proizvodnje krzna dozvoljen je u skoro svim članicama EU, a norma o zabrani uzgoja nije pravno obavezujuća. EU pokriva oko 2/3 svjetske proizvodnje krzna. Ako zemlje Unije i uvođe zabranu, osiguravaju duge prijelazne periode i visoke naknade štete uzgajivačima. U donjoj tabeli dat je pregled trenutne normativne situacije u evropskim zemljama.

Zemlje bez zabrane	Zabrana s prijelaznim periodom koji traje	Zabrana na snazi
1. Belgija (Flandrija)	Hrvatska	Belgija (Valonija)
2. Crna Gora	Holandija	Austrija
3. Danska (osim lisice)	Srbija	Makedonija
4. Estonija		Slovenija
5. Finska		Velika Britanija
6. Francuska		
7. Italija		
8. Latvija		
9. Litvanija		
10. Njemačka		
11. Poljska		
12. Španija		
13. Švedska		

S obzirom na trenutnu ekonomsku i socijalnu situaciju u zemlji, gdje je svaka proizvodnja i svako radno mjesto izuzetno važno, smatram da je uputno produžiti prijelazni period za primjenu zabrane iz člana 4. barem do trenutka kada će država biti u situaciji uzgajivačima nadoknaditi u određenoj mjeri štetu nastalu gašenjem proizvodnje.

Ovo je, također, bila prilika da se u odredbe čl. 7. i 9. Zakona ugrađuje Uredba Evropskog parlamenta iz 2007. godine.

III. OBRAZLOŽENJE POJEDINIH ODREDBI ZAKONA

Članovima 1. i 2. Zakona ugrađuje se Uredba broj 1523/2005 Evropskog parlamenta i Vijeća od 11.12.2007. kojom se zabranjuje stavljanje na tržište, uvoz ili izvoz krzna pasa i mačaka ili proizvodi koji sadrže ovakvo krzno. Ovim članovima je, u dijelu koji se odnosi na ovaj zakon, preuzeta ova uredba u zakonodavstvo BiH.

Članom 3. Zakona produžuje se stupanje na snagu zabrane iz člana 4. tačka bb) do 2028. godine.

Članom 4. definira se stupanje na snagu ovog zakona.

IV. PRINCIPI NA KOJIMA JE PRIJEDLOG ZAKONA ZASNOVAN

Ovaj prijedlog zakona zasnovan je na principima pravičnosti, odgovornosti, zaštite prava na rad i zaštite imovine i ulaganja građana Bosne i Hercegovine, te je usaglašen s odgovarajućim propisima EU.

V. FINANSIJSKA SREDSTVA POTREBNA ZA PROVOĐENJE ZAKONA

Za provođenje ovog zakona nisu potrebna dodatna finansijska sredstva.